


65433



由拳集卷之六

東海屠隆長卿著

七言古詩

東海高士歌

沈嘉則先生東海高士也以雅道倡東南名動
海內余恨未得識面蓋神交者十年所矣張大
司馬為置酒招置一見傾倒余覽其風度議論
真非常人讀其文令人神王先生亦深見器識
呼余似李白余則安能乃退而作歌

天上神物高嶙峋光芒倒影凌星辰一朝墮地走
蹇託形骸化為人化為人何昂藏顛骨稜層聳五
嶽啖唾翁沓吞三湘雙眸炯炯照秋月兩腋翩翩
扶大荒御風騎氣遊汗漫獨騫兩龍恣翱翔竭來
東海瞰大壑大壑茫茫混窠廊三神之山立縹渺
日月爭出相踈曜掀髯一嘯美滄溟風卷白波气
噴薄或持大瓢酌海水手搖空綠潮欲涸醉來赤
脚踏洪連睥睨海水如一勺豪吟散髮驅長鯨竒
句散落海若驚錦繡盤曾羅萬象宇宙入眼空羣

英山川風月隨筆札元氣奔傑供使令上窮天象
蒼旻佞下搜地軸黃河傾於菟烁山吼欲裂其餘
蚊蚋唵瓶罍一劍薊縠四海走逢人談笑揮卮酒
酒酣耳熱生雄風作詩書字大如斗王侯將相爭
識面海內才賢都握手曾克記室佐司馬不減劇
孟從條侯司馬弓歲賓客散東芻千里泣高立不
獨文章傾南國義聲往往張九州嗟余不拜紫芝
頽懷人夢寐徒十年僂凡咫尺隔林樾炯耶霧耶
兩茫然司馬愛才為招聚一見把臂歡如故往來

共在天地裏何事當時不相遇

贈天台范文學汝東

吾聞天台之山幾百里青天倒挂窺海水與公賦
後增嶙峋望而不見勞心神劉卽採藥去不返長
松落落白日脫卽今一遇天台生恍如石梁落雙
眼天台生何翩翩五雲秀色開洞天文章吐赤鳳
意氣凌紫烟把臂一笑俱茫然明朝訪爾天台路
我欲僊人石上眠

悼瀕海將士

黑雲推海邊風號海昏日落煙沙高濁浪萍萍蹴
厚地橫奔石頭轟摧靈鼉十萬樓船忽如紙蕩空觸
石顛不止大旗吹折寶刀沉同時六軍沒海水傷
心大將哭臨陣鼓斷金笳絕鼓鼙身掩黃沙銷鐵
甲魂隨明月到春閨君不見胡人飲馬長城窟城
下多少英雄骨丈夫報國聲隆、扶桑日出光曠
曠生為壯士死為鬼雄何必老死蓬蒿中

元宵篇

天王御極今三載繡斧風流使君在手散陽穰遍

大江江南正月春如海太平元夕在青陽銀漏遲
遲夜未央絳蠟風中吹不斷紅蓮火裡暗生香踈
星位戶天河近明月窺簾海色長管絃處處聲相
送清歌子夜毒花弄六街塵起萬人來車馬踏城
城欲動傑閣朱樓大路平誰家妖麗不關情王孫
暎雪披宮錦少女如花坐玉笙王孫少女兩相怜
香粉叢中綵神聯壚頭醉客歌青鬢陌上遊人拾
翠鈿人間此夕復何夕莫遣東方聞曙色不知天
上夜何其應念嫦娥嫁眠不得憺憺裊裊出行春
劫騎霓旌從若雲千家綺綉懸華屋一道燈光擁使
君

〇〇 閨情二首

昨日別君楊柳濃今朝悵望櫻桃紅青驄去何在
只在平蕪外春風自煖妾自寒隣女相過掩淚看
日長草綠嬌黃蝶宛轉啼鶯隔花葉不能飛去喚
郎歸何用朝朝啼向妾

郎君憶妾妾不知妾憶郎君心獨悲黃昏點燈照
孤影白日當窗愁耿耿東隣夫婦如鴛鴦奈何妾

獨守空房、空房不可守、月照飛蓬首、夜來讀素書、
愛惜如瓊玖、誰家有女不懷春、何物懷春不苦辛、
蒼蘚無端生錦瑟、落花何意點文裀、

閨怨

妾貌如夫容、二八猶未嫁、睡起腰肢只自妍、妝成
眉黛無人畫、人言妾貌使君前、聘妾金花雲錦箋、
但聽人言好、要非心所憐、衆女疾嫁眉娥眉、解生
妬妾貌、非有移使君心不固、還君錦箋君且休、與
君別自選風流、浣紗西施石採桑南陌頭、妾面種
今羞白日、玉顏空自老朱樓、

李生行

李生長不滿七尺、意氣不減古俠客、腰懸七首截
雲霓、手挽黃河挂曾臆、西望太行東窺碣、石一室
臥遊窮八極、青袍雖是齊魯儒、許身終作高陽徒、
春日風嘶紫叱撥、寒天夜擁花羅氍、白眼看人只
長嘯、風流舅氏頗同調、落拓未逢天子呼、昂藏且
放時人笑、

述哀篇 代友人作

食魚食河魴娶妻娶齊姜河魴猶可食齊姜不可
得好花落盡春風殘美人化去胭脂寒花落明年
又解開美人一去不復來苦調不成聲哀絃容易
絕空有餘香枕上存可惜朱顏鏡中滅春日晝陰
空閨子夜沉緣自生前斷息從死後深憶昔結
縞理瑟和笑語春風生綺羅五更愁易盡萬歲豈
云多共道姻緣天地老那知倏忽人歸早只在人
間二十秋以別竟成千古愁綵雲一瞬風吹去皎
月流光不肯住霞衣髮鬢向丹青淒述不識歸時
路柳絮梨花到夕陽蘭枯蕙死不禁霜黃壚深塋
玉芳艸暗埋香壘玉埋香自何所忍見容華委塵
土人在不知歡人亡但知苦我今徒哭君不聞君
倘能悲我不信知是韓憑兩地悲何不當時一宵
盡腸斷又黃昏含悽怕入門風前疑有影月下未
歸魂夢裡相逢淚如雨驚回猶記夢中語錦衾日
夜睡醺醺睡去還貪夢見君

言葉鄭朗

朔風吹浪卷寒沙海對盤空雪作花大江凍合雲

空滿天入平荒白草短一聲高雁落邊愁忽念故人雙淚流後啼虎嘯悲行路歲莫天寒出避仇莽莽乾坤何以走獨有青山在馬首歸來門巷掩蕭疎畫日無人好著書太陽不照君孤憤寶劍光沉手自拔小臣欲向天帝訴九關我我虎豹怒

贈陳將軍

將軍颯爽氣食虎早讞諸生事旗鼓雙旌落日使
夷王疋馬西風說強虜金笳朔雪照營門鐵衣光
閃凋弓昏將軍仰天誓報國拔劍擊海海水渾寒

雲出塞長凍艸合沙黃萬騎朝吹角千山疲度霜
東南走遍扶來國刀環黑帶風塵色幾回虜盡一
身存六十年来雙鬢白功蓋華夷壓陣雲可堪爵
賞不覓勲老将耻班新部曲偏師猶屬大將軍君
不見雲中太守坐按堵一言不合幕府怒陳湯萬
里威腥羶白首那知尚戍邊嗟嗟倚軍何桓桓丈
夫不為虎躍即為龍蟠轅門一笑解金鞍賓朋相
見聲相歡歸來不用千金壽華屋青山一尊酒嗟
嗟將軍之功挂人口馮唐劉向之徒那不有陳生

本是封侯人魏公終作雲中守

傅御史行

崑崙之山高嵯峨青天一片流黃河大地微茫出
桐栢萬里長淮走秋色二水東流日夕奔君亦胡
為下薊門薊門落日照馬首臘盡河水尚枯桺黃
沙深深不見人誰餞孤臣一盃酒軒轅臺壯天荒
涼臺上曾憑覽太行一毫風塵向東國劍花蕭瑟
帶燕霜古廟黃能思夏后高立白虎吊吳王傅御
史丈夫事業當如此七尺之軀報天子南薰瘴癘
亦不惡何況東來窺大壑大壑崩騰不足驚馮夷
擊鼓龜鼉迎八月秌濤卷海射天青嶽色參差明
靈鰲背負三山至看君浩蕩蓬萊行漢家累纍盛
金紫走馬長安多老死君不見傅御史

贈吳生

闔閭城頭草花香迤陵墓上落日黃何者王孫稱
季子千載風流無乃是落拓人間三十秋翫罷不
肯于王侯曾將雙躡酬紅粉破盡千金買紫駘吳
地烟花住來久眼前一片秦淮流歸臥滄江白日

由孝集 卷之六
速夜夜刀鐮響空谷那堪鬢髮秋蓬飛幾見薜蘿
春草綠願君且莫歎蹉跎丈夫失意奈爾何愁來
擊筑向尊酒女本吳人善楚歌

薊門行送王生壯上

南浦逶迤漲絲波片帆孤月生黃河黃河東來水
轂盡行人壯上關山多留君不發勸君飲白日為
君行蹉跎落落幽燕薊門闊大行直倚鴻蒙割天
開日夕臨九邊山阻風雲護雙闕君行漸北邊氣
深馬首西風一何烈榆關畫角吹微霜獵騎金鞭

照積雪薊丘覽古高臺其黃沙入草烟茫、美人
不見藏鈎處俠客猶餘蹴鞠場古來飲馬空垂名
葱河日夜流長城長城下有英雄骨此時忼慨誰
能平漸離荆卿寸心許更願一拜田先生青萍紫
騮兩無恙高堂擊筑咲相向百壺沉醉擢觥前萬
里橫行沙塞上歸來日日傍紅樓滿簾明月彈箏
篴一生不入金張宅一生不願王侯遊王郎意氣
倘如此臨行贈爾雙吳鈎

天台山人歌贈林養頤

天台山人冰雪色目光射海髯如戟高空明月照
刃環匣劍霜浮古花赤文章往々薄諸生門巷時
時通俠客迢迢青山遙見招赤城髣髴見霞標僊
人盡日看瑤草細路何年度石橋竭來頓轡吳山
側一咲相看兩莫逆浪吹孤日海門開風卷空波
江雨白莽々乾坤縱復橫如君寔有古人情假令
千載猶旦莫何況四海為弟兄夢寐名區亦已久
靈潮咫尺電颯吼君今為我報山靈明日天台一
把手

打獵篇

幽拜八月天荒涼平原無人秋艸長帝子王孫齊
出獵少年一一皆戎裝甲光耀日千金鎖袍繡盤
花五綵妝雕鞍玉勒紛來往千騎萬騎披草莽出
匣泉流寶劍號控弦風急瑀弓響蒼鷹亂擊百鳥
呼將軍仰射金僕姑文鶴錦鷄馬前墮紛紛毛血
灑平蕪魚休獵犬風雨迅黃狐玄兔一時盡塵沙
四起天地昏猛虎亦驚山谷震山前逐鹿莽縱橫
關外蕭々胡馬鳴少年彎弓挾飛騎直過秋風古

壯平富貴豪華事遊佚玉葉金枝誇慄疾綉旂画
戟列長雲白馬紅袍驕落日須臾偃息人馬閑臂
鷹牽大紅斑々遠出不知原野闊歸來但見車輪
殷長安大道人如蟻爭看王孫出獵還

送沈長孺東還

憐君有才時不偶空令歲月風塵走公車三上長
安春馬蹄幾別都門柳劍花白日照嶙峋不作橫
眉向紫旻酒中大嘯驚燕市醉來一睨當壚人季
子金多何足問張儀舌在安愁貧昔年咄々憐枯

稿感君高義與君好可堪今日送君歸蘼蕪綠滿
江南道君歸且得臥煙霞余獨翫醴依天涯東方
苦饒侏儒飽出入羸馬多泥沙永寄歸心與君去
黃河悠々日東注別後相思海月秋々蘆憶得垂
綸處

贈瞿九思

瞿時以註誤長流塞外余憐其高才煩寃為作
此詩

盧龍浩蕩秋烟生風吹九邊哀角鳴壯士起舞手

拔劍天星散落銀漢傾黃河倒翻白日裂瓠子夜
決魚龍驚鉅靈劈山五丁走為君磊落懷不平我
欲撞萬石之鐘擊鼙鼓大呼百神向天語百神不
應皇天不憐女女有才名落吳楚楚中煩冤屈大
夫獨畝詞賦悲千古勸女意氣休摧藏逢人且放
雙目光鳳皇鴟鴞誰復辨空然慟哭過江湘古來
高才多不免白也長流向疲即君今遠徒何為者
青天無人位曠野火暗屯雲壁壘西刀寒積雪陰
山下雙鬢溲溲四十一年可憐此日犯風煙沙塲倘
塋英雄骨天地終垂孤憤篇相公憐才 聖明主
男兒定不死窮邊

瞿童子詩

瞿童子名申楚人瞿九思子抱才甚奇年十三
徒步走魚師上書相公訟父冤辭情忼慨余見
而心壯之遂訪其父子即中贈之以詩童子亦
有贈余之作

楚中何物寧馨者秀首鬢髮亦灑灑十三作賦能
凌雲士步成詩不倚馬上書相公訟父冤忼慨陳

詞淚盈把煩究直欲叩天閭長安六月霜飄瓦願
將高義附縵縈少年不在岑生下君家父子俱才
賢黃鵠落羽遭鷹鷂白日有時不照地豐城獄底
埋龍泉文字豈招神物忌才名不受世人憐我從
長安識女父因識女一見把手相勞苦蕭然短褐
吹秋風向人有氣不得吐世人爭謁五侯門眼前
誰復哀王孫

訓周元孚民部

楚中山川何雄哉南紀涵々江漢開祝融之峰秀
且拔朱陵紫蓋通僊臺玄夷使者授金簡精靈乃
古安能迴星河高倚三峰出波浪平吞七澤來洞
庭蕭々木葉下屈子靈修尤不化賈生藻思縣長
沙處士才名落江夏即今才士猶雲興詞壇旗鼓
君先登一曲南風吹落日片言殊色起巴陵君操
郢雪燕市裡燕市高謔萬人廢風流白日不銷沉
意氣青天可凌厲一見憐余調頗同翻然膝行走
下風願佐雙龍駕鉅海願隨八駿行秋空安能典
斥鷃之羽爭枯蓬

送桂博士入楚

挂生蕭瑟人浩蕩觀八垠人生行樂耳何必營千
春薄遊可玩世何必要路津長安不收明月珠壯
風夜夜吹瑯玕五侯七貴不足問彈箏自向酒家
胡年々上書何為者黑頭佐吏風塵下聊借微官
向楚中志日空原駘瘦馬楚國山川六千里君行
寧為微官喜高言一落大湖深甯中雲夢不知幾
天晴靄色漢陽開一片孤帆江上來白日宰縣鸚
武賦青山誰吊禰生才君今寄傲滄洲上天地安
能羈任放直取當年曠士懷黃鶴高樓尚無恙長
安佐客厭紛紛眼前世事如浮雲我亦明朝為小
吏三湘七澤好從君

贈沈彬仁

少年才子入明光春容大篇森琳琅片言落筆搖
文昌儼如繁星麗寒芒天門萬里開霞乘駿馬銀
鞍大路旁共羨朱顏白日香西施浣紗江水長蹙
眉老淚成行自領春風吹曲房

長安明月篇

長安明月正秋宵桂對扶疎香不銷初懸碧海生
華屋漸轉朱城隱麗譙白露玉盤流素液丹霞寶
鏡拂輕綃明浮漢殿涼僊掌暗入秦樓濕紫簫魄
滿中秋天浩蕩光圓三五夜迢迢參差玉葉披香
樹宛轉金波太液橋披香太液紛相屬王葉金波
寒藪藪萬戶平臨不夜城大街盡在清涼國洞庭
湖中木葉稀姑蘇臺上城烏宿靈妃鼓瑟湘江頭
神女弄珠漢水曲朱絃的的泛崇蘭翠袖娟娟映
修竹旣從天漢掩疎星六典君王代銀燭君王對
此秋湯湯龍頤魚鑰開長安閃閃鴛鴦香霧繞溶
溶鳩鵲玉華溥風飄綽約雙鬟女花近歲徃七寶
欄新出啄者拙正似圓來嬌面借同看昭陽粉黛
生香煖長信梧桐照影寒飛燕單衫初舞罷班姬
雙泪欲啼乾自以光輝薦寒暖每逢佳節助悲歡
有時照入空閨裡蕭瑟流黃波驚起能於瓦上白
如霜復遣牀前涼似水情到鸞箋淚萬行夢回鴛
帳入千里有時照向邊寒頭黃沙茫茫白草秋已
傷長夜吹邊籥又奈寒光照戍樓歸興三秋度遼

水愁心一夜滿拜州古來一片長安月對之萬種
人情別月圓月缺如循環秋去秋來無斷絕逐令
皎皎地上霜都作星星鬢邊雪從他人在換春秋
不向中天數圓缺且因光景及芳年乘興先開歌
舞筵同酬綵筆邀希逸自舉金盃呼謫儷佳會於
人既不易良宵願影亦堪憐興來坐到星河曉醉
後還操明月篇最愛霓裳羽衣曲乘風便欲問嬋
娟

留別沈君典馮開之諸君

憶昔長歌栖海曲浮空幾見海水綠門前月出青
峰高直泛天雲駕黃鵠偶然挂帆秋冥冥橫素波
兮凌太清扶乘萬丈落孟庄三山揀入雙鬢平夜
寒龍女明珠色石裂江神鈇遂聲扣安期生拉羨
門子相視大咲不能止當時浩蕩有如此何人喚
我出蒿萊布衣短褐長安來春風鳳輦千花艷曉
日銅龍萬戶開揖客頻回紫駟馬停鞭一問黃金
臺黃金臺下都人滿道上逢君意款款古來結交
在片言立談之間鮑與管白日為君遲浮雲為君

緩彈碁擊筑胡姬春慨悲歌驚四隣豈知在事
翻海水合是文章忌鬼神落花同日隨風散一墜
泥沙一錦裯君也昂藏向霄漢予今磊落走風塵
風塵侵人亦太苦折腰日日趨公府豪氣清談安
在哉丈夫俯仰工眉嫵吁嗟乎東方玩世世所侮
寧論為鼠與為虎雲霄故人雙眼明憐余涕泪紛
後衡鴻雁今飛何處影河橋惜別不勝情對君謔
飲君酒拔劍起舞亂壯斗落日啼殘上苑鬻西風
吹折都城桎城頭鼙鼓四搥酒醒上馬月欲斜
故人片時猶在眼春明門裏是天涯

寄碩益卿

余出都門顧觀察益卿追送報國寺相與劇談
沉酣達旦平明別去賦此寄之

昔年草草長安遊今年小更走滄洲壯風烈烈關
山道何物英雄顧虎頭天塞走馬來相侑腰間解
贈雙吳鋤玉壺醉我都門秋生來能樂不能愁便
與擊筑彈箜篌我本要離俠者傳碩侯意氣片言
投酒酣雄談傾不周自言嘗戴鐵兜鍪手提長劍

日華集 卷之六
騎驊騮疲破賊營摧山丘殺人如草還窮蒐屠生
聞之開兩眸捋髯把臂呼君侯君侯君侯文修天
上五鳳樓武可當縱衡百萬之貔豨丈夫如此真
赴赴揚雄老苑相如優文章道是雕獼猴黃沙莽
莽生邊州黃雲片片落魏裘白日不動滹沱流夜
深命取大白浮狂來浩蕩歌吳趨天星一夜應亂
不得休明朝酒醒揮手別班騅去矣風蕭颯

彭城下吊項羽

彭城城高垂曠野河流崩騰堆象馬大江月出猶

艦空孤帆夜宿彭城下彭城之山鬱鬱不開項王霸
氣餘高臺日落黃雲壓古壘天寒白露生秋苔當
時雄心掃六合親提猛士渡江來縱衡長劍叩關
西秦關百二如泥汎飄飄回旗忽指東漢王膝行
走下風烏騅橫衝萬馬間將士凋兮不敢彎只用
刀頭畫江水直從掌上分河山睥睨已無赤龍子
其餘英雄盡孤鼠天下侯王皆受封自取彭城王
西楚指揮既定霸王基撞鐘伐鼓建華旗白日高
臺駈駿馬夜深錦帳擁名姬蓋在雄威山可拔一

日者集 卷之六
朝跌宕復何說忼慨態未大澤深英雄運去寶刀
折不能泥首向他人烏江之事亦烈烈霸王事業
雖不成一時雄快良可驚昔日雄圖荒壁壘至今
楚水流彭城我耒一吊斯人罷卷地悲風萬里生
淮陰祠下作

淮陰祠下淮水空山川非走多烈風烈風蕭蕭卷
斷逢飛濤相破寒日紅停撓細數英雄事不在于
金酬漂母不在百戰掃羣凶乃在布衣折箠過屠
中丈夫致身為神龍當其汎蹕俛與蝦蛆同卷舒

如此真英雄吁咤乎將軍既已為神龍神龍泥蹕
升天都升天復能潛盤渦清溪白石何不可溷娑
高鴻飛飛遠雲羅雖有睥睨如將軍何何為日莫
遭軼軒英雄已矣去日多荒荒古祠生藤蘿長樞
大版祠前過歲歲西風送逝波

吳王歌

吳王昔日起高臺歌舞新收勁越回氣整東南金
作埒巧窮吳楚錦成堆千尋綉柱凌雲度四面朱
欄傍水開直捲星河迴錯落高馮天闕象崔嵬江

頭燕掠花將暝城上烏棲月欲來前殿旌旗催夜
角後宮絃管送春松冉冉池蓮發紅亭鋪遍流黃
臨水閣採將秀色比娉婷倦倚嬌娃何綽約芳艸
蘭舟錦纜牽垂楊駿馬紅纓絡南浦齊聞宛轉歌
西園不下歲粧鑰南浦西園幾度看文牕綺構日
盤桓娟娟繡帶黃金縷的的朱櫻白玉盤官井碧
梧閒吠犬池亭翠篠密栖鸞稱詩戲贈同心結闔
巧妝臨七宝欄妃子風流無奈舞君王顏色不禁
欢酒罷君王復大笑喧喧車馬金閭道吳地初嫌
花月殘越王又送宮娃到歌分簫管舞尤工色並
荷花香更好露點踈螢度玉除星垂明月啟朱扉
雕牀翠被妃央曉繡幌金屏孔雀圍簾下乘風歌
宝扇凄凉滅燭解羅衣乘風滅燭對秋光宝扇羅
衣興轉長鴉翅暗偷雙鬢色龍涎都散六街香館
娃宮裡花如霧銷夏鬱前月似霜碧海枯桑在能
幾朝朝莫莫君王喜語驚鸚武喚初回醉入茶蘼
疾不起買咲追一夜未央万歲于秋樂无已梨花
曉夢逐飄風楊柳春宵同逝水高臺把酒問花神

富貴繁華能幾春只听西湖採蓮曲寧東海取
薪人會稽兵來風雨速十萬貔貅動地哭日上花
枝啼鷓鴣春回芳草遊麋鹿鏡中已作綠雲飛臺
下依然江水綠天荒古剎老宮槐野曠寒沙沒
鞋丘壠茫茫陳王匣田夫往往得金釵古來歌舞
多零落日莫江頭一悵懷

蕩子從軍行

飄飄蕩子遠從軍黯淡河梁馱送君万里荒悲
出塞十年杳杳念離群旗翻夜獵捎邊馬弓響秋

鷗落陣雲霜入袂笳聲烈々忽報單于角道絕擊

斗朝馳鉄勒烟銜枚夜度龍沙月黑山部落總銷

冤白馬馬支暗流血帳中夜々飲蒲莖手拔龍泉

膽氣豪五月回軍屯隴右三秋轉戰出臨洮風高

葱嶺催鉦鼓火照陰山掣佩刀葱嶺陰山雪十文

蕩子經行久無恙斬首心雄七校前冠軍名播三

邊上丈夫輕別重遠遊自言談笑取封侯君行絕

塞音書斷妾守空閨涕泪流燕子樓中常馱宿露

飛花下結千愁涼風綉帶難為夜小雨銀缸不奈

秋一道烽烟邊報急天子雲中羽書集胡兵兮道
試長驅漢家孤軍又深入邊陲消息年年戰竟夢
關山夜夜泣夢去那知綦履寬夢回但見珊胡濕
綦履珊胡可奈何夢魂消息度交河高臺落木臨
邊盡空磧寒沙出塞多空磧高臺數千里落木寒
沙望中起陰々白日動秦關漠々黃雲壑漢壘十
年談笑不封侯百戰何時見天子妾身直是老
鰥眉蓬鬢蕭々粉面垂攬涕因思戈甲冷裁衣忽下
剪刀遲此時含情待明月此時緘怨問花枝雪散

靡蕪春又綠秋殘蕙草露仍披人愁人老具容易年
去年來為別離不信衽今衣上泪請君看耻髮邊絲

東海病農歌為林生賦

東海病農林芝生前身龍伯典鉅灵手劈二華走
五山倒翻白日掀滄溟操蛇之神訴上帝帝怒之
子逢天刑即今譖去扶桑國與尔侏儒跛一足已
知骨相非侯王愿作農夫棲海曲閭闔天門開窈
窕白璧黃金為微道盤跚蹶躡過其前上帝欣然
玉女咲微吟散步向涼天五步十步絕可怜焚香

夜坐南華叟好雨春犁東海田窺井造物亦自偉
獨留妙于樅雲烟貧居委巷空四壁門外喧喧車
馬客霜落閑庭柿葉紅草滿林塘池水黑李書臨
帖二十霜筆意往往入鍾王借得秋空一疋練亂
駘壯斗婦寒芒病農歲上居東海海水可以供揮
灑天神下來山鬼哭赤烏綠字留千載世人只解
恥長途平居六博愛呼盧君看跛者亦太巧天生
妙手秀且孤鬼曹飲酒過百榼下筆神羊一字無
即如神羊一字无如飛双足何為乎六卷尾

由拳集卷之七

東海屠隆長卿 著

七言古詩

莫廷韓諸君夜集

客子腰懸金僕姑入門下馬天模糊許身俱作高
陽徒文章一一凌三都便挽青絲開玉壺與君擊
筑疾呼盧手藝都梁博山爐三更月上花耀旣簾
前盞燭光有無醉來不問城上烏且向尊中挾大
湖丈夫意氣太行麤君看萬古為女駟來日苦短

由孝集 卷之七
青春易徂天風吹人滄海枯繁華過眼煙中蕪黃
金鵲印亦區々佞眉醜面何為乎

送莫廷韓壯上

我從淮泗走雲間乘春立馬撥雲山颯颯長松壓
銀海感時懷古雕朱顏雲間莫生二陸儔文章意
氣橫高秋結交英雄半天下中原時佐盧遨遊三
山五岳須眉大白日黃河衣帶流我與一見稱心
賞年來喜挾五湖長便携竹杖挂青天憑高一嘯
衆山響共擢樓船浩蕩行中流擊鼓彈袞箏酒酣
拔劍夜起舞忽思駟馬驅燕京自言拈掌取卿相
不作江東老步兵送君壯行飲君酒二月回風吹
浦口踈樹青迴肩危尊空波綠上城邊桎丈夫不
出出軒然龍泉鵲印皆吾有富貴於君今已遲此
行定不復佞眉日落抽刀行大澤春寒飲馬下空
陂君去壚頭尋舊伴請看市上半新知感來莫向
燕山望邊月蕭蕭颺大旗燕人荆高大無賴卸衍
談天頗雄快惟有燕王臺上塵可以一下英雄拜
英雄堂堂七尺身好與知己增嶙峋咲跛一聞公

子讞脫粟不飽丞相嗔王侯將相不好士芳名何
以垂千春激昂青雲羨相許莫生故自賢豪人莫
生莫生行不惡腰下吳鉤光厯落黃金緩鞚長安
街萬壺宮花取次開 君王下詔御平臺

白門行送徐長孺

木蘭為檝桂為舳金盤玉壺大略邊客子唱歌佇
白日主人按節停朱絃城頭鷓鴣啼明星動浦口送
君君發船春風無恙白門柳胡姬酒熟花滿天帆
歌直侵雙闕鼓馬啼不散六朝煙六朝舊事今休
問斜陽暮雨銷金鈿君看一片秦淮水送盡英筭
月又圓

贈王元美廷尉

濠梁小吏名位輕束髮論交號有情矯矯中原起
五子白眉獨數王先生王先生意亦得神思何散
朗雅志慕玄疇搖筆走洞連蕩育吞震澤古今文
章誰寂多子建八斗君一石中丞烏府非不貴丈
夫鵲印亦已適舅倩星精黯未銷司空寶劍咄相
逼天下賢豪歸齒牙海內饑寒望顏色人生苟如

此安用悲泥塗身既登九列便須長五湖青天之
雲手可攬滄海之月醉可呼三百枯碁闔風雨十
千美酒澆菰蒲子房范蠡亦人爾卷舒真與元化
俱東方甄生太眇小思君逢君苦不早一見如生
平斤語俱絕倒當昔元禮是通家異代鍾期本同
調鶻子談天事已空王郎斫地歌自雄家本吳門
妙山水採蓮白苧人人工草花直接專諸墓臺榭
高壑吳王宮紅泉細細通海眼青石斤斤割鴻蒙
手揮如意坐亭子耳邊颯來天風只今才士克

八極猛氣神飈一何塞人人自謂得驪珠隱隱空
潭夜深黑世間萬事那有真呼作神龍多蜥蜴竹
書以來未可陳青箱班管俱灰塵後世知音定誰
是要觀君自千秋人千秋萬歲白日速富貴豪華
如轉燭請看姑蘇臺已荒訶管不存江水綠么麼
螺羸他自貧今我不樂亦何欲愛君正得與君驩
百遍相過意未闌空懷磊落胸中氣無奈歲牲頭
上冠相思疲讀弇州部星斗纍々赤花古孤桐寫
匣萬波流雙龍倚天五色吐懸知藻思故如虹遙

見金銀結為虎便欲乘舟凌大江投刀攬袂一登
牀分來珠玉堪盈把携得煙霞定滿囊

贈王百穀

東南秀色開五湖吳越霸氣今未除諸家競採藍
田玉何者不握靈蛇珠眼中之人只如此風流吾
愛王夫子他人蜥蜴君真龍上下天門電光紫掌
上長披日觀雲匣中暗瀉銀河水姑蘇之臺俯丹
梯長洲百花臨大隄秋冷吳王試劍石春明越女
浣紗溪夫差墓深劍花吐墓上金銀化為虎踞石

高歌廢萬人與君一醉醉千古余也不合牽徼各
位頭屈膝拜公卿河陽名花空復種勾漏舟艤苦
不成賢聲雖之漢廷尉頗能結襪王先生王先生
人稱鄙有道可知遠志與小艸謂汝為龍伏汝爪
綠葵紫藜饒山中磨磨不駭異騾裏好舒白眼昵
乾坤盃底黃河日夜奔我已出山應自笑君今飲
酒與誰論嚴陵八田得君房語安用龐公在鹿門

馮先生行

先生少年好治遊酒邊挾瑟彈筩篴春日空隄紫

騮馬城隅淥水木蘭舟半百年來銷意氣黑髮從
人謝小吏十洲三島列窻中瑤草琪花暎鰲背知
卿家住鴛鴦湖湖風日日吹雕胡手拾水苑及雪
藕自招王母與麻姑王母麻姑降卿宅二八青童
奏龍笛更有僊郎下赤墀天上宮袍裁五色月滿
金屏天氣漁竦簾銀漢乍位昂上客紛紛到珠履
佳人一一陳明璫水拍霓裳落香霧曲向木犀風
裏度燈紅菡萏結明霞酒淥葡萄釀甘露未門甲
第近天家愿教且種東陵瓜青山次第成丹砂看
君不是成丹砂君顏安得如苑花

金塘歌

金塘之山海上來日光倒射金銀臺洪濤春天不
可極奔雷日夜相喧吼千峰萬峰結雲霧石橋舊
日秦皇路海神鞭石定何年海氣茫茫尚莽互徐
市樓船去不還三千童女住僊山人間靈藥何曾
有洞裏琪花只自閑中有高人坐超忽手觸龍宮
觀涌淖逸氣遙凌厖豹關雄心直壓元龜窟尋真
高覽赤城霞曾見安期棗似瓜瓊禽不斷千年對

天漢常隨八月槎遠視黃河若衣帶赤縣神州復
何在松盤大壑拂蒼虬雨洗高天出青黛青黛蒼
虬自一區東皇端拱白雲居澤國首唐那可問綠
字金書今有無金塘生嗟爾不得志甘為汗漫萬
里行齊州湫隘不足寄滄溟浩蕩後此征君不見
老子西出關仲尼欲浮海立志何凌兢傷時多恍
慨君去今居第幾峰海峰一片金芙蓉君今去去
樂何以嗟予咫尺安能從好坐山中鍊大藥搔首
青天美寰廊他日歸來城市空霜高華表丁令鶴

待予事了謝人間訪余逍遙海上山

青浦吟贈彭欽之

一官落拓稔青浦磬折呻吟傍人苦古來堂上日
鳴琴今也道旁但負弩風沙蒲頭不足憐自愛吳
會佳山川山川秀異生才子二陸而下多英賢余
本欽崎丘壑汝姿意氣獨與賢豪期上客時時作青
眼後車徃徃多白眉吳士揚旌故雲擁立談詫得
彭欽之欽之文章耀皦日落筆高天風雨疾才華
跌宕性雅馴令我一見情款密二華雲烟掌上生

五湖波浪盃前失三十年來擅大家天邊龍駿骨
渣捩帝關嗟喙不可問劍光空冷夫容花五車赤
牘千秋事一領青衫兩髻沙臨邛之令如可再詞
賦相如至今在天子不喚奏凌雲賢人流落吾將
奈世人那解重王孫青雲不登道不尊願君努力
致天路拔劍高歌好出門

放歌行贈徐孟孺

徐卽意氣空秋旻五雲三秀開丰神羊祜探環故
英物誌公摩頂知麒麟少年才藻不多見大海青

天月一片玲瓏玉洞引丹霞窈窕文牕揮紫電今
春騎馬長安遊五侯七貴爭識面余也曾耕東海
田竭來吳會尋諸賢合意真須片語下知君還在
十年前男兒墮地何所作炯炯空懸白日大道旁
明珠爛不收手卷絲綸閒處坐且挾鷗鳧湖上行
更驅雲霧峰頭臥余本英雄吞大烹偶然作吏似
河陽不肖佞眉向人語一官那便失飛揚文字無
多羞藉年來好士真成癖風流終古慕威明逢
被何如二千石君今落人在泥沙擊絮吹簫不足

嗟願我正當門外月與君且醉縣中花

送吳林嘉壯上

嗟爾吳生直出欽崎磊落之英
資白中羅海岳筆底
走雲烟貪居委巷無人憐
青天垂釣淮陰下白日
吹簫吳市眠翻然拔劍別
妻子壯志長安赴知己
絕海孤帆風雨濕三月黃
河向人立王侯將相可
長揖無為空對牛衣泣君
不見相如犢鼻羞王孫
一朝千金買長門子雲筆
札君卿舌知君此去聲
名尊嗟吳生吾不愁君之
此去無聲名酒酣座中
出趙辭月明樓上調秦笙
丈夫時來合富貴願君
莫賦少年行少年得意騎
駿馬操弓挾彈章臺下
富貴當如貧賤時肯學
悠悠道旁者

康生歌

武皇乘八駿神飈起龍
首攬槍鬚北斗閭人亂
天常嘯咤驅百官為狼
與為羊奸雄一何黠意
在收豪傑折節禮康生
門前車馬紛如雪康生
烈士腸不睹闈人面手
懸金印開通侯那得康
生一回盼矯々韓尚書
除奸報天子侃々李郎
中落筆風

兩駛時危大臣逐事敗英雄死左氏哭卽中存亡
兩契闊康生可活君無為作枯骨卽中忼慨呼向
天虎口寧可脫丈夫落落劍下死安用低頭草間
活左氏哭且訴生已如朝露天命不可期君心無
乃固卽中書片紙左氏致中情康生投袂起意氣
掀秋旻但活忠義士何辭一見奸雄人奸雄聞道
康生至自起焚香掃榻塵入門長揖據上坐從容
捫虱談三秦白也醉麾高力士風流蕭灑垂千春
卽中文章今李白殺之恐為天下嗔逆闔開之但

掩口呼童催進蒲朶酒炙笙搗鼓聲喧天捧器停
盃大如斗康生復忼慨卽中本英雄吾當就公飲
汝赦李卽中不然掉臂去棄汝如飄風闔人首肯
康生喜脫衣解帶酣歌起金鐙夜照珊瑚紅銀鞍
色暎驕騮紫大醉翻然咲出門月光皎皎流雲奔
人能殺義士我自哀王孫鄙泰何妨吊張讓太真
盃月依王敦千秋萬歲後名與泰山尊頭提一壺
酒澆君青樹根黃河湯湯白日速何由一喚斯人
奄

白華集卷之二
旁人歌

黃河雖大不流崑崙日月雖明不照覆盆從古有
之今我何言登臺風正悲閱世心多苦竹帛以來
未足數我歌旁人真可憐一吟一涕空潛然夫妻
遠戍三千里罪大仍輸百萬錢遠戍猶自可百萬
出何所天寒歲莫一還家家中五日無烟火欲將
飢寒哭向妻妻亦饑寒不能啼十三女兒髮覆額
單衣欲裂霜淒淒日落頽垣竹扉冷月高夜吊狐
狸影仰天大哭走出門白楊蕭蕭填枯井我吟商

人歌淚下如江河行路還停紫駟馬滿堂盡度金
叵羅

吁嗟行為開之賦

吁嗟馮先生汝為我飲我為汝謳仰天獨嘯銷百
憂星辰壯走河漢西流昨日壯風叫枯桑今朝芳
藪鳴鳴鳩世事如此今我何求我欲努力取富貴
富貴難自適我欲局促修空名空名竟何益丈夫
低眉復苦心咲殺金華紫烟客夜來聞君浩蕩言
使我酒量大如斗堯舜桀紂惣枯骨不如月下一

盃酒紅燭未殘歌聲漸低玉壺醉擊寶劍夜投酒
中累月堪沉迷空林不問城烏啼吁嗟馮先生眼
前落落君與我百年一日且瀟洒良夜無驩娛驩
娛無良夜明月既在天迴芳復臺榭好風吹花花
欲言與君爛醉筵篔簹下酒罷登艫思黯然絳苑遙
指西湖邊君雖有官不妨晏眠我為小吏多糾纏
今朝送君出門去明朝世事還相煎相煎何為快
意當前中酒迷花虛白日萬山千水隔蒼烟

存石草堂歌為沈觀登先生賦

青天一片石萬古割鴻蒙西山雲氣寫碧落絕壑
秋聲挂玉虹君家園亭亦灑灑大石累累占色赭
陰洞截取龍額來波濤日夜奔其下明霞亂射雨
不昏危峰刺天白日奔石乎石乎夜深語草堂之
上光欲翻先生好奇雄構李田取嶙峋與孫子米
家么麼不足論歌罷峰頭片雲起

西湖曲為三先生賦

三先生者沈山人嘉則沈太史君典馮吉士開
之也三先生相與浮西湖高言長嘯響振崖谷

名章麗藻照映雲霞為茲湖標千古勝事余聞
而豔之恨不能從也乃賦西湖曲以見意庶幾
當宗生取遊矣

西湖靈氣開東南排天沃日青黛含秀絕往往聞
天下神仙幽悶誰能探烟霞不着高人履日月空
孤大士龕子長踪跡多奇遊磊落吾鄉老隱侯更
得馮君為地主相逢大笑驚千秋日莫樓船浮紫
氣玄珠醉踏洪波流鉤、簫鼓空中下漠、烟虹
席上收一殼霹靂起天末魚龍遠避神靈愁須臾

雨歇雷電止月照西冷天似水群公雜坐與轉斟
盃舫夜飛青鏡裏旣逢妖女獻珊瑚復見靈妃荐
蘭芷閒情目送山鳥還逸思長驅海濤駛明朝相
與為微行青鞋綠杖春沙明祗將氣色閑星象不
與時人說姓名罡風吹裳涼灑上直上峰頭晷銀
海氣深一片青天孤眼空數点蒼山在乎吞六幕
相蕩搖兀立群公意忼慨名賢一日經此丘山川
勝事留千載好為西湖大解嘲天教曠士停蘭橈
豕嗟泥塗那得脫君入雲林不見招為君一奏西

湖曲，目倚南樓吹玉簫

卷之七 終



